



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Disputatio VI. De Ministro & Subjecto Baptismi.

[urn:nbn:de:hbz:466:1-72963](#)

bat exprimi verbis usitatis, ipsumque mysterium cum suis proprietatibus propriissimè significantibus.

51.
An omission
f. apportionis
In vi sit
formam.

De præpositione *In* est quoque controversia, an forma mutetur essentialiter, si omittatur, dicendo, *Nomine Patris*. Negant Coninke & alii saltem in idiomate Latino; immo juxta ipsos videtur tantum adjungi per hebraismum, ideoque censem omisionem tantum esse veniale. Quod postremum non credo: eð quod non caret dubio valor formæ sic prolatæ; utpote præ se ferentes alium sensum, scilicet quod baptizans baptizet loco seu vice Patris &c. Et ly *In nomine* significet, tum quod Baptismus detur in auctoritate trium personarum, tum etiam quod sub invocatione earundem. Unde Angelus Silvester, *Præpositus q. 66. ar. 6. dub. 8.* censem Baptismum sic collatum non valere. Clarius autem apparet vitium formæ idiomate Flandrico pronuntiatæ omisso ly *In*; cum planè alium tunc ingerat sensum.

52.
De coniunctione *Et* minus est dubium:

quamquam Major, Gabriel & Silvester, ejusq; omissionem existimant vitiare formam; nam saltem satis certò non vitiat, eti omittatur primo loco: cum consuetudo sit plura recensendo poni conjunctionem copulativam tantum inter ultimum & penultimum. Immo verosimilius non vitiat, eti utroque loco omittatur. Nam etiam consuetum est Latinis, ut dum pluribus idem tribuitur, copulâ *Et* subintelleqtâ id fieri, solo commate mediante. Quidquid sit, in præxi adlaborandum est, ut forma Ecclesie consueta plenè pronuntietur: nec sine peccato potest aliquid omitti, aut ordo, etiam trium personarum inverti. Quamvis omittere pronomen, *Ego* sit per se loquendo tantum veniale juxta Doctores communiter. Ly *Amen* citra veniale omittitur; cum in *Rituali Romano*, ubi forma Baptismi superius exprimitur, nec omittuntur obseranda à Ministris, non addatur; sicut additur verbis *Absolutionis*.

DISPUTATIO SEXTA

De Ministro & Subjecto Baptismi.

QUÆSTIO I.

Quisnam sit Minister Baptismi?

I.
Omnis ho-
mo ratione
suum est
minister va-
lidus Bap-
tismi, etiam
extra ne-
cessitatem.

Dico I. Omnis homo ratiōne utens est validus minister Baptismi. Patet ex c. *Firmiter, de summa Trin. & cap. A quodam Judeo, de Consecr. dist. 4.* Denique idem definit *Florentinum in Decreto de Arme- nis* dicens: *Minister hujus Sacramenti est Sacerdos, cui ex officio competit baptizare: in casu autem necessitatis, non solum Sacerdos vel Diaconus, sed etiam laicus & mulier, immo etiam Paganus & Hæreticus baptizare potest, dummodo formam ser- vert Ecclesia, & facere intendat, quod fasit Ecclesia.* Et quamvis loquatur de casu necessitatis, idem tamen est quoad valorem extra casum necessitatis, ut omnes intelligūt: quia necessitas non mutat essentiam hujus Sacramenti, præsertim ad cuius valorem non exigitur jurisdiction, uti exigitur in Sacramento Pœnitentiae, cuius proinde minister validus extra articulum mortis quoad peccata mortalia non est quilibet Sacerdos ob des- etum jurisdictionis; quæ tamen in articulo mortis non reservatur. Idem patet ex facto Athanasii pueri extra necessitatem baptizantis: item ex valore Baptismi Hæreticorum generaliter ab Ecclesia approbati: quem denovo (supposita legitimā materialē, formā & intentione) verum esse generaliter definit *Tridentinum* *sess. 7. can. 4. de Baptismo*. Denique ex c. *A quodam Judeo*, ubi nul-

la fit mentio casū necessitatis. Ratio est, institutio Christi. Congruentia, Baptismi necessitas; ob quam etiam est institutus in materia maximè obvia.

Dices II. Solis Episcopis in persona Apostolorum dictum est: *Docete omnes Gentes, baptizantes eos &c.* ergo reliqui non sunt validi ministri. Resp. dissimulatio antecedente, eti falsum sit, Neg. Conf. ibi enim Christus Apostolis non dedit p̄testatem baptizandi, quam habebant & exercebant ante passionem, dum necrum essent Episcopi aut Sacerdotes; sed ibi ipsi jam Episcopis dedit mandatum, & ad summum simul jus primarium baptizandi.

Dices III. In *Carthaginensi IV. c. 100.* dici- tur: *Mulier baptizare non præsumat.* Resp. tam istum locum, quam quædam alia Concilio- rum & Patrum intelligi de potestate umquam solemniter baptizandi, aut extra casum necessitatis licet. Solum enim agitur contra mulieres, quæ sibi officium tingen- di seu baptizandi arrogabant. Contra quas similiter agit *Tertull. lib. de Bap. cap. 17.* Aliud est in necessitate: tunc enim posse baptizare quolibet, aperte *Tertullianus* ibidem asserit.

Dices III. c. *Quos à Paganis, dist. 4. de Con- fess. jubet Gregorius II. rebaptizari quosdam baptizatos à paganis.* Et *Concilium Eliberia- num in Hispania tempore Marcelli I. c. 38.* fla- tuit posse fidelem (qui lavacrum suum integrum habet, nec sit bigamus) baptizare in necessitate in- firmitatis positum Catechumenum. Ergo infide-

les saltēm invalidē baptizant. Resp. Neg. Conf. nam Gregorius Pontifex loquitur de baptizatis non servatā formā Ecclesiae: id eoque jubet eos baptizari *in nomine Trinitatis*, supponens antea sic non esse baptizatos à pagani, utpote mysteriorum nostrarū fidei ignari. Concilium Elberitanum vero (et si aliqui non tantæ auctoritatis) docet, quod in necessitate baptizare possit, etiam is, qui solum baptizatus est; non negat autem idem posse qui necdum baptizatus foret, sed vel ab hoc abstrahit, vel tacitè supponit baptizatum esse præferendum. Sicut etiam loquitur de non bigamo; quo tamen præsente validē baptizat Christianus bigamus, esto ex ordinatione istius Concilii ab Ecclesia non recepti foret postponendus.

Dices IV. c. Si Presbyter 1. q. 1. dicitur: Si Presbyter ordinatus deprehenderit se non esse baptizatum, baptizetur & ordinetur iterum, & omnes quos prius baptizavit. Resp. postrema verba istius Paleæ est expuncta in editione Gregorii XIII. quia neque habentur cap. 1. De Presbytero non baptizato, aut c. Veniens eod. tit. aliique locis, in quibus hæc Palea citatur: Cypriana, neque sensum congruum admittunt, nisi iis subintelligatur ly iterum ordinentur.

Dices V. S. Isidorus, ut resertur c. Si quis 1. q. 1. ait: Si quis per ignorantiam ordinatur antequam baptizetur, debent ab eo baptizari iterum baptizari, & ipse ulterius non ordinetur. Resp. ibi vel proponi quæstionem, vel falsam alicuius opinionem recitari; cui deinde opponitur vera doctrina his verbis (que etiam referuntur c. Romanus Pontifex de Consecr. dist. 4.) Sed Romanus Pontifex non hominem judicat qui baptizat, sed spiritum Dei subministrare gratiam Baptismi, licet paganus sit qui baptizat. Quod clarius expositur l. 5 Capitularium c. 4. Vide quæ notantur in ipso Decreto circa hunc Canonem.

Dices VI. Aug. l. 2. contra ep. Parmenianum c. 13. ait: Et haec quidem. *Uia quæstio est, utrum & ab iis, qui numquam fuerunt Christiani, possit Baptismus dari: nec aliquid temere inde affirmandum est sine auctoritate tanti Concilii, quantum tantum rei sufficit.* Resp. Augustinum ibi abstrahere à definitione quæstionis, quæ jam in Ecclesia est notoria. Addit tamen suo etiam tempore non suffise quæstionem de Baptismate collato ab iis qui ab Ecclesiæ unitate separati sunt, scilicet hereticis & schismaticis: quia id discussum & firmatum jam tum erat in ipsa totius orbis unitate.

Dices VII. cum Calvino l. 4. infit. c. 15. §. 20. baptizare est Ecclesiastici ministerii: ergo competit solis ministris Ecclesiæ, non mulieribus. Resp. etiam prædicare ad docere esse Ecclesiastici ministerii: & tamen in necessitate potest & debet quisque proximum docere. Sic Act. 18. Aquila & Priscilla uxor eius docuerunt quemdam Apollinem, qui non satis videbatur instructus in fide

Christi, quem magno zelo prædicabat. Sic etiā mulieres catechizant. Et olim Diaconis & similes instruebant feminas baptizandas. Publicè tamen docere, in Ecclesia præcipue, ut est pars munera Ecclesiastici, & id prohibet mulieribus Apostolus; sic & solemniter ac publicè baptizare, adeoque & illis merito censetur illicitum.

Dico II. Minister Baptismi ordinarius five ex officio est solus Sacerdos cum ex-
clusione inferiorum: quia tamen debet ha-
bere jurisdictionem, ut licet illum admini-
stret extra necessitatem. Prima pars patet
ex Florentino supra: quod cum loquatur dog-
maticè, excludit omnem reliquias inferiores.
Idem patet ex c. Constat. dist. 4. de Consecr. ubi
ex Isidoro dicitur: *Constat Baptisma solis Sacerdotibus esse tractandum; ejusque mysterium nec ipsis Diaconis explere est licitum absque Episcopo (in quo eminenter residet eadem potestas) vel Presbytero.*

Secunda pars probatur: quia administra- In quo re-
tio Sacramentorum est actus palendi, five quiriū ju-
pastoris; & per consequens requirit in ad-
ministrante jurisdictionem ordinariam vel
delegatam. Deinde per Baptismum admittit
aliquis in familiam Christi cum jure
communicandi omnibus ejus privilegiis:
atqui nullus admittit extraneum in ali-
quam politicam communitatem, nisi Princeps,
aut alijs habens in eam aliquam ju-
risdictionem: ergo &c. Hanc jurisdictionem
habet Pontifex tamquam principalis
Princeps spiritualis in totum mundum, E-
pisopus in suam Diœcesim, Pastor in suam
parochiam, alijs Sacerdotes juxta suæ com-
missionis amplitudinem. Unde si extra ne-
cessitatem alijs Sacerdotes absque licentia
vel privilegio tentent baptizare, graviter
peccant; utpote usurpantes sibi officium
& auctoritatem alterius in re gravi: quam-
quam non incurvant irregularitatem aut
excommunicationem, qua nullo jure sta-
tuitur.

Dices: Non datur nec dari potest juris-
dictio in baptizandum, cum ante Baptismum re ipsa suscepimus nemo subjiciatur Ecclesiæ jurisdictioni: ergo in baptizante
non requiritur jurisdictione. Resp. Neg. Cons. Qualiter
et si enim directa jurisdictione solum habeatur
per Baptismum re ipsa susceptum; in-
directa tamen ratione loci, in quo quis ver-
satur aut parentes commorantur, five fami-
claratur.

extra articulum necessitatis: quatenus nimirum in Episcopo vel parocho est jus exer-
cendi tale munus, tamquam in ministro peculiari deputato ab Ecclesia, ex cuius ordinatione competit tali admittere extraneos in Ecclesiam per Baptismum, in isto loco;
idque exclusivè ad ceteros, nisi de illius li-
centia. Quare hoc ipso adulti non baptizati
subsunt tali ministro: non quod ex præcep-
to Ec-

to Ecclesiæ obligentur à tali petere Baptismum, sed quia ex jure naturæ tenentur non petere ab alio, quam qui possit licet dari. Parvuli autem propriè non subduntur præcepto, sed directè præcipitur aliis, ne quis illorum eos baptizet, præter pastorem aut legitimè deputatum.

7.
Diaconus
potest ex ra-
tionabili
causa com-
mitti Bap-
tismi solem-
nis ministe-
rium :

DICO III. Etsi Diaconus non possit ordinariè baptizare ex vi suæ ordinationis, ex hac tamen est capax, ut rationabili causa existente possit solemniter baptizare ex commissione Episcopi aut Sacerdotis. Ita communiter Doctores. Probatur ex ordinatione Diaconi, ubi inter alia quoque dicitur: *Diacionum oportet baptizare*; nempe solemniter: cùm enim Ecclesia id Diacono possit committere, censetur hoc facere, quando ipsum specialiter constituit ministerium Baptismi, quo modo reliqui non sunt constituti. Deinde c. Diaconos disl. 93. de iis *Gelasius* (aliqui textus habent *Pelagius*) Papa dicit: *Absque Episcopo vel Presbytero baptizare non audeant*; id est, juxta *Clojam*, absque eorum consensu aut commissione. Ubì satis clare insinuat, posse Diaconis, etsi non compellat tanta necessitas, committi baptismationem, utique cum solemnitate: nam hæc non potest circa necessitatem omitti, adeoque nec potest committi baptismatio non solemnis, sed ab ipsis presbyteris aut Episcopis fuisse solemnis adhibenda.

8.
Citra com-
missionem
hujusmodi
ministeriū
ne in extre-
ma quidem
necessitate
eis licere
Nonnulli
consent.

Oppositum
tamen est
verius.

9.
Quæ causa
conseatur
sufficiens ad
commis-
sionem Dia-
cono mini-

An verò extremâ necessitate urgente possit Diaconus citra commissionem baptizare solemniter, incertum est. Negat *Cornick* ob verba quæ Pontifex c. Diaconos citato subjungit dicens: *Nisi praeditis fortassis ordinibus longius constitutis necessitas extrema compellat*. Quod & Laicus Christianus sacre plerumque conceditur. Quibus insinuat Papa Diaconis citra commissionem non aliter quam Laicus esse licitum baptizare. Quare con sequenter ad hanc doctrinam Diaconus sic solemniter baptizans fieret irregularis. Nil hilominus probabiliter contrarium docet *Suarez*, *Proprius* & alii; èo quod specialiter Diaconus ad baptizandum sit ordinatus: adeoque in extrema necessitate videatur ad id solemniter præstandum sufficere commissio tacita seu rationabiliter præsumpta. Pontifex autem docet quidem, quod Laicus tunc idem liceat, sed non quod codem modo, quo Diaconis: faciendo enim exceptio nē, nisi extrema necessitas compellat, vult Diaconis tunc licere sine commissione, quod prius decreverat iis licere præsente Episcopo vel Presbytero ex commissione, ex qua licebat ipsis baptizare solemniter, ut etiam alii fatentur.

Porro rationabilis causa ad Baptismi administrationem Diacono committendam, non est sola extrema necessitas, sed etiam quævis alia iudicio ministri ordinarii determinanda: ut cùm ob multitudinem baptizandorum, infirmitatem Sacerdotis, aliasve

graves causas vel occupationes, non possit fieri. Sacerdos omnibus potentibus Baptismum non satisfacere, sed alioquin cogenerentur qui laicis parati accedunt, cum incommodo diu Baptismum differre. Sic Apostoli, ut prædicatione acarent, videntur Baptismum commissione Diaconis: ex qua commissione Philippus Diaconus baptizavit Eunachum. Vix tamen hoc tempore & in his locis, id est in usu, ob multitudinem presbyterorum.

DICO IV. Numus Clericus Diacono inferior, adeoque multò minus Laicus potest etiam in extrema necessitate (in qua etiam juxta præxim Ecclesiæ baptizat) solemniter baptizare, nisi ex commissione Papæ, qui non id potest Clericis inferioribus committere, cum solemnitas ista sit jure Ecclesiastico introducta, in quo Papa potest dispensare. Ratio est: quia nullibi in jure permittitur talibus usurpatio istius solemnitatis, sed præcisè illud, quod postulat extrema necessitas, scilicet Baptismi substantia: ac proinde eodem jure, quo solemnitas & ceremonia Baptismi sunt introductæ, censentur illi ab earum usurpatione lecti. Quod etiam communis praxis & Doctorum sensus confirmat.

DICO V. Existente necessitate hic est ordinando servandus in conferendo Baptismo, ut Sacerdos præferatur Diacono, Diaconus Subdiacono, hic ceteris Clericis, Clericis Laicis, vir feminæ, fidelis infideli. Quod de Sacerdote quidem satis constat ex auctoritatibus seu juribus citatis. Deinde quia fieret grave præjudicium Ordini Sacerdotali, cui jus primarium est annexum. Unde Doctores unanimiter tenent in versionem illius ordinis esse mortalem ex genere suo, si Sacerdos sit ad baptizandum paratus. Quamvis *Valentia* & *Joannes Suarez*, citati à *Diano* p. 3. Tract. 4. Ref. 4. putent tantum esse veniam: immo *Cajetanus* q. 67. a. 4. putet seposito contemptu & presumptione non peccare mortaliter laicum etiam extra necessitatem baptizantem non solemniter. Ratio est: quia tunc indebet usurpatum munus alienum idque grave, quod Sacerdoti competit vi Ordinis, & si sit Parochus, insuper jure officii parochialis. Unde Aug. 12. contra ep. *Parmentiani* c. 13. agens de Laico Baptizante ait: *Nulla cogente necessitate si fiat, alieni muneris* (scilicet juris, sacerdotalis videlicet, in Ordinatione accepti, ut patet ex contextu) *usurpatio est: si autem necessitas irreat, aut nullum, aut (si v.g. non sit adhibita plena diligentia in querendo Sacerdotem) veniale delictum est*. &c. Quæ & si sequentia satis ostendunt gravitatem delicti in inversione ordinis: præsertim cùm tunc revera nulla sit necessitas urgens Laicum ad ministrandum. Idem Doctores communius contra Nonnullos censem, si prætermisso Diacono baptizet inferior Clericus aut Laicus; èo quod Diaconus etiam ad baptizandum sit ordinatus.

adco

ad eoque ejus prætermisso sit etiam alieni muneris usurpatio. Facilè tamen in hac re potest intervenire ignorantia, quæ à mortali excusat. potest enim aliquando timeri mortis periculum ubi non est, & idcirco accelerari Baptismus non expectato debito ministro, quia bona fide existimatur periculum non pati moram.

In reliquis inversio ordinis, etiamsi dicat aliquam incongruentiam, non est tamen mortalís juxta Doctores paffim contra Vaf-
gnez d. 147. n. 34. existimantem quod on-
nis inversio ordinis sit mortalís; immo
quod alioquin ne quidem foret venialis;
cum id oriri deberet ex lege divina, quæ sa-
nè gravis, & graviter obligare videtur. Ad
hoc tamen facile responderetur, culpam ve-
nialem provenire posse ex ritu Ecclesiæ,
quæ similem ordinem præscribit, ut patet
in Rituali Romano Tit. de ministro Baptismi. Et
quamvis proveniret ex lege divina, posset
hac leviter obligare, quatenus se extendit
ad hanc materiam, quæ tantum levius appa-
ret, solumque fundatur in aliqua decentia.
Sicut ob hoc illiberalitas non est grave pe-
ccatum, eti liberalitas ex quadam decentia
exigeret aliquid secundum se notabile alte-
ri præberi. Varii tamen non improbabilius
putant cedere in grave præjudicium Sacra-
menti, si baptizato fideli præsente ministret
non baptizatus, præsertim si sit omnino
infidelis. Per accidens etiam aliquando po-
test inverti in istis ordo licet, ut v. g. mu-
lier docta & affluta baptizare præseratur
viro rudi, aut in circumstantiis, in quibus
pudoris gratiā non decet virum accedere,
v. g. si infans non sit omnino editus. Ita
Rituale Romanum Tit. de Ministro Baptismi.
Ignorans enim, nolens, aut congrue non
valens in certis circumstantiis, eti alio-
quin fore superioris ordinis, censemur
absens.

Adverte, qualiscumque fiat inversio or-
dinis, nullam incurri irregularitatē in Ba-
ptismo non solemini; cum hic non sit actus
Ordinis, adeoque non usurpetur alienus
Ordo. Si verò Baptismus conseratur sole-
mpter, constat Clericum fieri irregularē, ex
c. 1. de Clerico non ordinato ministrante. De Lai-
cis est nonnulla controversia. De quo vide
dicta Tract. de Legibus d. 6. q. 7. (qua est de
irregularitate) §. 3.

Q U E S T I O N E I I .

An unus possit simul plures bapti-
zare, vel contrà?

DI C O I. Poteſt unus minister simul
plures baptizare, applicando omnibus
simil materiali, & dicendo: *Ego vos bap-
tizo &c.* Ita Scotus dist. 6. q. 2. n. 6. & alii com-
muniſter. Probatur: quia poteſt unus eadem
Herinex Sum. Theol. Pars IV.

formâ consecrare plures hostias, in pericu-
lo nonfragii absolvare plures poenitentes;
ergo etiam simul plures baptizare: cùm
nec ratione nec auctoritate constet, requi-
ri potius ad valorem Baptismi, quod unus
solus baptizetur, quam ad valorem confe-
crationis, quod unica Hostia consecratur,
aut ad valorem absolutionis quod unus
tantum absolvatur.

Quia tamen hoc est contra morem Ecclie in re gravi, advertit Scotus sup. Coninc men. immo & alii illud sine mortali non licere extra gravem necessitatem: quidquid aliqui pu- tent non esse mortale. Confirmatur ex Ritu Romano, Tit. de bapt. Mandis parvulis, ubi a-sistat, gens de forma, *Ego vos baptizo &c.* ait: Quam tamen formam in iis solum & in aliis similibus mortis periculis ad plures simul baptizandos, & ubi tempus non patitur ut singuli separatim baptizen-
tur; alias numquam licet adhibere. Quod denotat gravem culpam juxta gravitatem rei.

Notat autem idem Scotus in illo caſu for-
re plura baptisata: nam baptizatio est Tali caſe
actio transiens, quæ afficit terminum & forent plura
multipliatur penes multitudinem illius: Bap-
tismatuſ. quemadmodum dicuntur plures creationes,
quando Deus simul creat plures creatureſ.
Et quamvis una tantum videatur forma, est
tamen virtualiter multiplex; ed quod pro-
nomen, *Vos*, includat in ſe ſingulare plures
geminatum. Deinde ad multiplicationem
totius ſufficit multiplicatio unius partis. Et
in hoc conſentiant quoque ceteri Doctores
communiter.

DI C O II. Quando plures concurrunt ad eumdem baptizandum, ſic ut unus ponat Plures uno
materiam, alter proferat formam, v. g. invalidē
mutus abluat & alius carens brachiis dicat, baptizant, ſi
Ego te baptizo, invalidus eft Baptismus. Ra- riam adhi-
bitione eft institutio Christi. Haec autem po- beat, alter
tissimum probatur ex ſensu Ecclesiæ, haec formam
enim ſempre intellexit institutionem ſic eſ- fe factam, ut idem debeat abluere, & for-
mam proferre. Quod colligitur, tum ex per- Probatuſ:
petuo illius uſu: tum ex unanimi ſenten-
tia Doctorum, qui omnes concorditer ſic
judicant exceptis Marſilio & Cajetano: qui ta-
men neque conſanter neque firmiter au-
dient oppofitum affeverare. Tum quia in
aliis quoque Sacramentis conformati eſt
praxis, ut idem minister adhibeat materiam
& formam, quando ſcilicet ministri eſt ma-
teriam adhibere: prout non eſt in Sacra-
mento poenitentiae, in quo ipſe poenitens
materiam adhibet. Et ob hoc praxis & ſen-
ſus communis eft, Baptismum interdum ita
ab Hæreticis recentioribus collatum eſſe
invalidum & repetendum. Quod etiam ap-
pertè ſupponit Synodus Mechliniensis II. (qua-
probat Paulus V.) tit. 3. c. 6. dicens, id eſſe
contra antiquissimam Traditionem. Quod
autem præſcribat baptizatos ab Hæreticis
recentioribus eſſe tantum ſub conditione
rebaptizandos, non eſt, quia dubitabat Sy- nodus

194 *Disp. VI. De Ministro & Subjecto Baptismi.*

nodus de invaliditate Baptismi taliter à non uno ministro collati, sed quia non soleretur certò constare in particulari, quando sic collatus fuerit: quod si constaret, utique de invaliditate non dubitasset.

17.
*Tunc forma
Baptismi
est falsa.*
Itaque forma baptismi alias esset falsa; utpote significans quod exteriū physicè & per seipsum abluat, qui dicit, Ego te baptizo seu abluo. Nec prodesset forma Græcorum; utpote quoad sensum æquivalens; cui proinde subintelligitur ly *Manibus meis*, ut expressè habet altera Græcorum forma in *Florentino*. Ex qua similiter non parum confirmatur conclusio. Non prodesset quoque, si diceretur tali casu, Nos te baptizamus: nam id propriè significat quod uterque alterum abluat; hoc autem supponitur non fieri.

Confirmatur: quia sicut Christus voluit esse unum principale agens; sic voluit habere unum tantum ministrum in collatione Sacramenti, ut arguit *Scotus sup. num. 5.*

*Quod tamen
menstruoso
Ecclesiæ sen-
su difficulter
convincere-
tur.*
Alioquin secluso sensu Ecclesiæ convin-
cionis non facilè posset, qui diceret, verificari formam Baptismi per hoc, quod iam proferens censeri posset moraliter abluere per alium velut famulum seu substitutum. Quāvis revera ex sensu Ecclesiæ constet, quemlibet ministrantem immediatè se habe-
re veluti ministrum Christi.

Adduntque Nonnulli, posse id ob non omnimodam conclusionis certitudinem in necessitate practicari, ut videlicet mutus abluat, & mutilus formam proferat. Quo casu tamen (qui sanè non est natus contingere) deberet potius mutilatus formam inchoare dicendo *Ego te baptizo*, & mox aquam ore sumptam effundere in baptizandum, dein formam adsolvere.

18.
*Si plures
eundem con-
nancit bap-
tizare, sin-
guis tam-
quam causa
totales; solus
primo abso-
lvens bapti-
zat.
Si simul
ab solvunt,
baptizant
singulis.*
Dic o III. Quando plures simul concurrent ad unum & eundem baptizandum independenter à se invicem, sic ut singuli adhibeant omnia necessaria (prout fieri posset, quando concenterent de Baptismo alicui conferendo) is qui prius adsolvit, solus perficit Sacramentum, & aliis nihil efficit; quandoquidem semel baptizatus non sit capax secundi Baptismi. Si autem contingat (quod difficulter & raro continget, et si ad hoc studiosè ablaboraretur) utrumque eodem instanti perficere necessaria ad Baptismum, uterque baptizabit eundem validè, et si contra Ecclesiæ morem illicite in re gravi, cuius tentandæ non possit occurrere necessitas. Ratio est: quia tunc ad utrinque actiones concurrunt omnia ad Baptismi essentiam necessaria, & ambæ ver-
santur circa subjectum capax, cum simul finiantur. Confirmatur exemplo Sacerdotum noviter ordinatorum, qui simul cum Episcopo conficiunt Sacramentum, si simul cum illo finiant verba consecrationis. Ita *Scotus sup. n. 2.* & alii communiter.

19.
Hoc autem casu, non unum, sed mul-

tiplex Sacramentum seu Baptisma confer-
retur physicè loquendo: nam forent plures formæ integræ & plures materiæ perfectæ adeoque plura composta, sive Baptismata. Talis tamen non deberet dici bis validè Baptizatus, sed semel duplice Baptismo: sicut simul accipiens duo vulnera, non dicitur bis vulnerari, sed semel duplice vulnera.

Dixi *Physicè loquendo*: moraliter enim tantum est unum Sacramentum seu sacram-
signum & unus Baptismus: tum ratione ejusdem subjecti: tum ratione ejusdem principalis agentis, in cujus virtute ministri operantur: tum denique & præcipue ratio-
ne ejusdem effectus producti & significati:
totum enim illud signum ab utroque adhi-
bitum non plus efficit aut significat, quam
si esset unica ablution & unica forma posita.
Quod patet quantum ad Characterem: cum
idem sit unicus solum Characteris baptis-
malis capax. De unica quoque gratiâ per-
trumque Baptismum conferenda idem vi-
dentur consequenter Doctores potius sup-
ponere, quam probare. Et hoc modo expli-
cari possunt plures Auctores dicens esse
tantum unum Baptismum, ut *D. Thomas q. 67.*
art. 6. & referri solet *Scotus sup. n. 4.* quem
tamen ibi & in verbis præcedentibus doce-
re oppositum, conatur ostendere ejus *Com-
mentator num. 10.* Et seqq.

Q U A E S T I O III.

*Quodnam sit subjectum capax
Baptismi?*

Dico I. Solus homo viator est capax Baptismi. Est certum: nam Sacra-
menta sunt instituta tamquam media ad salutem
soli hominum viatoris. Deinde ad solos ho-
mines baptizandos Apostoli missi sunt,
Matth. ult. & Marci ult. Unde homines in ter-
mino constituti non sunt capaces Baptismi.
Similiter nec creaturæ homine inferiores.
Quare satyri, aut geniti ex semina & bruto
non sunt baptizandi: uti nec monstrum,
quod non præ se fert speciem hominis. Si
sit dubium, est in periculo baptizandum sub
hac conditione: *Si tu es homo, ego te baptizo* &c.
Ita *Rituale Pauli V. Tit. De baptizandis parvulis*.
Si nascatur monstrum pro certo humanum,
est absolute baptizandum. Si constet esse
duas personas, sunt singulae baptizandæ. Ad
quod discernendum est attendendum juxta
Rituale citatum, an habeat unum vel plura
capita, unum vel plura pectora. Si post ex-
amen, quale tempus patitur, res maneat
dubia, duplex Baptismus est conferendum,
unus absolute in parte principali, quam con-
stat esse informatam animâ rationali; aliis
sub conditione in parte, de qua dubitatur, an
informetur eadem animâ hoc modo: *Si non
es baptizatus, ego te baptizo* &c.

Dico

Dico II. Omnis homo, etiam parvulus, mox ubi est natus, est capax Baptismi. Est contra Anabaptistas, qui secuti Petrobrusianos & Henricianos, negant parvulos posse baptizari, eo quod existimat ad valorem. Baptismi requiri fidem in quolibet suscipiente. Ideoque in infancia baptizatos rebaptizant, ubi ad adultam etatem pervenerunt.

Sed parvulos esse baptizandos, definitur in Trid. sess. 12. & 13. de Bapt. Et olim definitum est in Concilio Milevitano II. can. 2. Idem patet ex c. Firmiter de sum. Trin. & c.

Maiores de Bapt.

Paret etiam ex perpetua Ecclesiæ traditione. Cujus testis est Augustinus lib. 4. de Bapt. 4.23. Quod (inquit) traditum tenet universitas Ecclesie, cum parvuli infantes baptizantur, qui serice nondum possunt corde credere ad iustitiam & ne confiteri ad saluum. Et infra: Et tamen nullus Christianorum dixerit, eos inaniter baptizari. Et alii locis. Eiusdem Traditionis testis est Dionysius Areopagita de Ecclesiastica Hierarchia c. ult. versus finem, & reliqui Patres: excepto Tertulliano qui putavit Baptismum esse differendum usque ad usum rationis: in quo, sicut in multis aliis, erravit. Gregorius Nazianzenus quoque Oratione in sanctum Lazarum longè post med. dicit quidem, ob pericula salutis conducibilius, parvulos baptizari; iis tamen seclusi optaret differri Baptisma ad triennium, donec parvuli possint aliquid de fide sua respondere. Quod tamen consilium non est approbandum, præterim quia dilatio ista nullius fructus esset, cum etiam tunc parvuli de fide mysteriis nihil aut vix aliquid capiant: & quia magis est aestimandus status amicitiae Dei, liberatio à demonum insidiis, & similia, quam iste fructus: potissimum cum ob opinatos casus, quibus infirmior ista etas frequentius est exposita, saepè adit periculum salutis, ubi non putatur adesse.

Fadem veritas colligitur ex iis Scripturæ locis, ubi narrantur integræ familiae esse baptizatae, ut Act. 16. & 1. ad Cor. 1. verosimile enim est in istis familiis suisse quoque parvulos.

Ratio est: quia omnes homines, etiam parvuli, nascuntur capaces regni celorum, quod, tamen non possunt adipisci, nisi renascentur ex aqua Baptismi, qui in parvulis non potest per votum suppleri. Confirmatur: quia in Lege veteri & naturæ parvulus etiam in infancia erat expax remedi emundantis à peccato originali: ergo multo magis in Legge nova, in qua post Christi passionem gratia est uberior & universalior.

Objiciunt Hæretici I. Christus Math. ult. dicit: *Euntes docete omnes Gentes, baptizantes eos &c.* ubi mandat Apostolis, ut prius doceant, quām baptizent: ergo parvuli, veluti instructionis incapaces, non sunt baptizandi. Resp. illis verbis indicari ordinem, qui servari debet in promulgatione Evangelicæ Sum. Theol. Pars IV.

geli, quād adultis fieri debebat, ad quos conveniendos Apostoli destinabantur. De quibus intelligitur etiam illud Marii ult. Qui crediderit & baptizatus fuerit salvus erit; ut patet ex contextu, & docet, Innocentius III. c. Majores, de Baptismo. Quamquam nec in adultis actus fidei ad valorem requiratur. Merito autem voluit Christus, Gentes prius esse docendas quād baptizandas: nisi enim in mysteriis fidei & Sacramentorum essent instructæ, nec ipsæ vellent baptizari, nec parvulos suos baptizandos offerrent.

Objiciunt II. quod in parvulis non reperiatur intentio suscipiendi Sacramentum. Resp. in parvulis illam non requiri, qui sicut absque propria voluntate personali per voluntatem Adæ constituti sunt peccatores damnationi obnoxii, ita absque illa regenerantur in vitam justitiae per Baptismum ex voluntate secundi Adæ Christi, qui omni etati providit juxta suam capacitatem.

Nota I. quod dictum est de parvulis, etiam habere locum in perpetuo amentibus, aut usurrationis parentibus, juxta Rituale Rotuman Tit. de Baptismo adulorum. Item in aliis parvulis qui ad annos discretionis nondum pervenunt; qui proinde in fide Ecclesie baptizari possunt, ut de perpetuò amentibus loquitur Rituale citatum.

Nota II. nos signantur esse locutos de parvulis natis, scilicet extra uterum maternum, quandiu enim in illo existunt, baptizari nequeunt, quemadmodum tam diu regulariter non possunt ablui, juxta c. Si quidquid, d. Confer. dist. 4. & certam Theologorum doctrinam. Si tamen obstetrix tam perita sit, ut manu in uterum inserta propter aqua perfundere possit, aut aliquo articulo ab tificio possit aqua ad puerum deduci, adjecta verborum formâ validè baptizaretur, sicut vere lavaretur.

Nota III. circa proles ex utero materi no exsecetas, et si vnde Baptizentur, non licere tamen in istum finem matrem innocentem occidere, cum ut eveniant bona non sint facienda mala, prout mala semper est directa occisio innocentis. Si tamen mater justè foret adjudicata morti, posset mors matris servato ordine juris accelerari excisione parvuli, quando speraretur sic posse salvare, & alioquin certò crederetur prius moriturus, quād ad partum seu nativitatem pervenerit. Quod quia non est natum fieri, immo quia plus plerumque periculi imminent ex morte violenta matris, quād obveniente ex natura, aut alio casu; idcirco L. Pregnantis ff. de pñnis decernitur judicium prægnantis esse differendum, quo usque factum fuerit enixa.

Potes: An sit præceptum baptizandi parvulos? Resp. in probabili mortis periculo te sit præceptum, tum generale charitatis, et tum baptisando obligamus succurrere proximo in tam rizandi para-

gravi præsertim necessitate spirituali constituto, tum pietatis, quo parentes tenentur providere prolibus de necessariis ad salutem, quantum possunt; tum justitiae, quo Pastores obligantur subditis ministrare Sacra menta tempore opportuno, maximè cùm inde pendet æterna eorum salus. Aliás non est præceptum naturale aut divinum baptizandi parvulos: quāvis videatur præceptum Ecclesiasticum consuetudine introductum, graviter juxta Doctores unanimiter obligans pastores & parentes, ut non differant notabiliter Baptismum parvorum ultra tempus, quod spectatis circumstantiis prudenter censebitur opportunum; ut monet etiam *Paulus V.* in *Rituali Romano*, ideoque ex diuturniori dilatione nasci solet scandalum in populo, quod etiam signum est obligationis, aut certè sub obligatione cæendum est.

QUÆSTIO IV.

An Parvuli Infidelium in viris Parentibus baptizari possint?

25.
Proles bap-
tizatorum
deficientium
a fide pos-
sunt nisi
inviti bap-
tizari.

NOMINE Infidelium intelligimus hic solos non baptizatos; non autem Hereticos vel Apostatas, qui à fide post Baptismum defecerunt: sicut enim hi non minus quam Catholici manent sub Ecclesiæ potestate, possuntque ad fidem servandam compelli; sic etiam eorum proles non minus quam Catholicorum possunt validè & per se loquendo licite ipsi inviti baptizari, potest enim Ecclesia istis parentibus Baptismum suarum prolium præcipere, & præcipit, adeoque in eorum defectum potest illas baptizare: immo quando id foret necessarium, posset etiam proles baptizatas abstrahere ab ipsis.

Porrò infideles vel sunt subjecti Christianis principibus, idque sive serviliter, sive tantum civiliter seu politicè: vel non sunt subjecti ullo modo. His præmissis

26.
Infidelium
non bap-
tizatorum
proles bap-
tizari va-
lidè inviti
parentibus.

Dico I. Parvuli infidelium quorumcumque validè baptizantur inviti parentibus. Est fatis certa & communis doctrina Theologorum, uno vel altero excepto. Probatur: quia ad valorem Baptismi tantum requiritur legitima materia, forma & intentio: consensum autem parentum requiri, nec ex Scriptura, nec ex Conciliis, nec ex Traditione constat, prout deberet constare, ad hoc ut aliquid statuatur quamquam necessarium ad valorem Baptismi: ne alioquin sit cuilibet liberum conditiones quas libuerit necessarias prædicare. Quin immo ex sensu Ecclesiæ potius constat contrarium: nam in primis hic est sensus communis Doctorum. Deinde Ecclesia numquam rebaptizat parvulos contra Gentiliū parentum voluntatem baptizatos: immo,

dum potest, eos à parentibus abstrahit, & postquam adoleverint, ad fidem, fideiique Christianæ, ac Ecclesiæ præcepta servanda compellit: quod signum est, eam per baptismum jus in ictos parvulos acquifivisse, adeoque esse validè baptizatos. Denique cùm Baptismus sit parvulis summè ad salutem necessarius, debuit valor illius esse independentis ab extrinseco parentum consensu; ne illius defectu frequenter suā salute fruſtrentur.

Nec refert, quod collatio Baptismi fuerit parentibus injuriosa: nam est equidela valida, & quā talis generat Ecclesiæ, que injuriæ non est particeps, jus in baptizatos: sicut nubens alteri, quem induxit per dolum non verantem circa substantiam contractus, acquirit in eum jus matrimoniale five conjugale.

Dico II. Parvuli infidelium, qui sunt servi sive mancipia principis Christiani vel alicuius domini, licite baptizantur de consensu illius solius, eti parentes sint invitati. Ita communiter Doctores. Pater primò ex communi praxi, quā proles Tuncarum & Maurorum, qui justo bello sunt mancipia Christianorum, baptizantur contra voluntatem parentum. Secundò, quia dominus iuste posset filios mancipiorum suorum vendere & à parentum abstrahere potestate; ergo etiam potest illos per Baptismum subiungere Ecclesiæ potestate. Periculum autem Apostasiæ potest evitari, si videlicet princeps vel dominus prolem recte garet educari, aut inter fideles procul à parentibus ablegari. Immo Dominus per se loquendo ad Baptismum talium terretur: cùm ipse habeat jus, adeoque obligationem velut paternam, ejusmodi parvulis providendi, potissimum de necessariis ad salutem. Quāvis ne nimis gravetur parvulus educandis, aut ne infideles spe recuperandi parvulos frustrati magis senviant in Christianos, per accidentis sèpè excusat, adeoque frequenter licite permittat eos redimi Baptismo non adhibito.

Sed difficultas est de parvulis infidelium, qui non nisi politicè, aut etiam nullo modo subsunt Christianis principibus. Hos enim illicitè baptizari inviti parentibus, videtur habere recepta Doctorum sententia. Quia tamen unanimiter excipiunt manifestum mortis periculum: succurrendum enim est extremè indigenti: quantum est possibile. Et gratis concessio, quod pater haberet directum ius, ne proles ipso invito baptizetur, etiam præscindendo ab hoc, quod sit ab ipso auferenda vel non auferenda (prout aliqui putant) illuc tamen jus hinc cessat, sicut in quavis extrema necessitate consentur iura cessare.

Excipiunt deinde casum, quo tales proles venissent in potestatem Christianorum, eti per injuriam; si sit impossibile

cas paentibus restitu: tunc enim nec sub-
est periculum subversionis; nec præjudica-
tur juri paterno, quod habet ad retinendam
prolem, cum hoc per separationem irreme-
dabilem factum sit inutile.

Præterea admittunt omnes , quod dum alteruter parens est fidelis, proles sequi debet religionem Christianam , & sit baptizanda, si sit spes christiana educationis. Ita habetur in *Tulstano IV. can. 63.* & refertur c. *Iudei 28. quæst. 1.* Idem cum proportione est dicendum , si proles sit sub cura plurium tutorum, quorum saltem unus est Christianus. Similiter quandò alteruter parens consentit , et si uterque sit ethnicus , sufficit consensus unius ad tribuendum Ecclesiæ ius baptizandi parvulum : quamvis enim mulier sit alioquin viro subiecta , tamen & ipsa habet ius , ut curet prolem christianè educari ; præfertim cum potior sit conditio religionis & innocentis. Immo *Gregorius XIII.* cœlavit baptizandum esse querum , cujus pater erat mortuus , idque invitâ matre , quod quid avus fidelis , qui loco patris defuncti curam habebat nepotis peteret illum baptizari : ut refert *Valentia disp. 4. o. 2. n. 2.*

Denique constat apud omnes, quod si proles talium habeant usum rationis, & petant Baptismum, sit eis dandus, etiam invititi parentibus: sicut enim in hoc sui iuris. Si autem de usu rationis dubitetur, inclinandum esse in favorem fidei, censet Satus: differendum tamen esse Baptismum usque dum de usu rationis constet, censet Henriquez, Coniack & alii: est enim periculum in festinando, nullum autem (ut supponitur) in differendo. Sed posito, quod non licet pueros ante usum rationis invititi parentibus infidelibus, de quibus præsumtum est, baptizare, optimè distinguunt alii dicentes, in dubio judicandum contra usum rationis, si necdum sit septennium completum: alias si completum sit, stare præsumptionem juris pro usu rationis; nisi aperte constet contrarium, juxta ea quæ tradit Sanchez 1. de Matrim. d. 16. n. 10.

Dico III. Parvuli infidelium Christia-
nis principibus politice subditorum, de eo-
rum consensu, spectato jure naturæ, licite
baptizantur, invitis parentibus. Ita Scotus
diss. 4. quest. 9. Gabriel ead. diss. quest. 2. dub. 5.
Loría 2.2. q. 10. art. 12. d. 37. membr. 3. concl.
2. & alii contra D. Thomam q. 68. art. 10. &
alios plerosque.

Probat I. quia si parentes in statu puerorum naturam obliterent parvulo quod minus perveniret ad finem suum naturalem, posset indubie princeps parvulo providere, eum defendendo, & ab ultimis patriae potestatis corrigendo: ergo etiam nunc id potest: nam supposita per fidem ordinatione ad finem supernaturalem, peccant parentes in materia legis ex suppositione naturalis; neque quoad hoc subduntur correctioni Eccl.

Henrinx Sum. Theol. Pars IV.

clesiæ, ergo suorum Principum. Quem-
admodum etiam Princeps Christianus po-
test & debet contra infideles & quoscum-
que impedire volentes prædicationem fidei
Catholicæ, creationem templorum, & simi-
lia, hæc eadem jura defendere, et si seposita
fide non cadant sub lumen naturale.

Probatur II. quia potest tutor curare baptizari parvulum contra voluntatem parentis superstitionis, ut de avo tute declaravit Gregorius XIII. ergo idem potest princeps contra voluntatem utriusque, cum ipse sit tutor supremus, qui potest etiam alios tutores deponere, & novos substituere. Ex superstitio. quo ulterius insertur, quod idem possit princeps contra voluntatem parentis utriusque, cum possit contra voluntatem unius superstitionis, & tutoris succedentis in locum & jus alterius. Confirmatur: quia potest Princeps ex causa etiam utrique parenti assignare tutorem; ergo ipsem tamquam tutor supremus potest catenus parvulis de Baptismo providere.

Probatur III. quia non videtur paren- *Baptismus*
tibus fieri *injuria* præcisè per hoc, quod proles non
proles ipsorum baptizentur; cum non ha- *est directum*
beant directum jus, ne ipsis invitatis bapti- *injuria proles*
zentur parvuli; sed ad summum tantum ha- *parentis inf.*
bent jus indirectum, quatenus habent jus *dileti dissentient*,
educandi prolem, quæ alioquin ab eis pos-
sit abstrahi; atqui hoc non obstat: nam
posset proles eis relinquiri usque ad usum ra-
tionis, & tunc instrui; ac si parentes dissentiant,
emancipari; prout fieri posset, si obser-
verent instructioni prolis etiam non bapti-
zatæ. Quod si ex nunc obstant fecutur
instructioni prolis, posset abstrahi statim,
saltrem si postea id fieri non posset. Deinde
pœnes ipsorum voluntatem est, quod pro-
blem retineant, si nempe velint facere, quod
debent: adeoque sibi imputare debent,
quod proles abstrahatur.

Dices I. Parentes infideles non tenentur jure divino extra articulum mortis procurare Baptismum parvolorum ; legibus autem Ecclesia non ligantur : ergo nullius iuri præjudicant, neque etiam peccant, ut proinde Princeps non possit corum parvulos ipsis invitatis facere baptizari. Resp. Neg. Conf. cum non tantum velint Baptismum differre, sed etiam absolute nolint umquam conferri, adeoque peccent contra jus divinum naturale in Deum, & in parvulum, cui debetur à parentibus Baptismus, saltu in necessitate, in qua forte superventur ex nunc denegant : & quia eâ ingruente fortasse non esset opportunitas, Principis est prævenire.

Dices II. Si parvuli tales relinquenteruntur sub educatione parentum, fieret Sacramento irreverentia; si subtraherentur, fieret injuria parentibus: ergo his invitatis nequeunt baptizari. Resp. I. Neg. Seq. Antec. pro utraque parte: cuius ratio patet ex ter- Qui etiam non habet

*ius indire
ctū ob edu
cationem
prolī, potius
abstrahen
tia.*

tia probatione Conclusionis. Quod autem parens tali casu ius suum perdat, confirmatur: tum quia illo privatur a principe in poenam: tum quia illud cessat, dum a principe defenditur ius Dei, & ipsius parvuli ad Baptismum. Et quamvis hic non intercedat propriè invalido juris alieni, ut respondet *Præpositus*: sufficit tamen quod non reddatur ius cuique debitum, ut princeps politicus possit se immiscere, præsertim cum etiam juxta alios potestas illius se extendat ad impedienda & corrigenda mala contra virtutes naturales, et si iustitiam non tangant.

*An f. ab
strahi non
posset, rever
entia Sa
cramenti
veet con
ferri Baptis
mum.*

Responderi II. posset non satis clarè apparet, quod casu quo hujusmodi parvuli baptizati non possent commode abstrahiri a parentibus eos in infidelitate educaturis, idcirco ab eorum Baptismo abstinentium foret ob reverentiam Sacramenti: non desunt enim fortasse, quibus videatur prævalere charitas proximi, forte in infantia moriunti, adeoque salvandi: præsertim cum magna pars parvulorum moriatur ante usum rationis, immo (ut animadverum est) ferè usque duas tertias partes. Quidni igitur probabilitas mortis prematur, juncta tantæ necessitatib; satis abstergat irreverentiam forte inferendam Sacramento per apostoliā in adulta aetate alias fecuturam: quæ insuper posset esse non peccaminosa formaliter; aut saltem non magis culpabilis, quam si in infantia non fuisset datus Baptismus? Cuius interea fructu quam maximo parvulus fruitur, scilicet gratia sanctificante & amicitia Dei, liberatione a multis daemnoniis infidiis, speciali protectione angelicâ &c. Adde etiam relapsuris immo apostaturis, tamen in praesenti bene dispositis, conferri posse & debere Sacramentum Confirmationis, Eucharistiae & Poenitentiae: inter quæ, & Sacramentum Baptismi, efficax ratio discriminis non facile allegabitur. Præterea ut ex Layman & aliis tradit Diana P. 3. Tr. 4. Ref. 7. baptizari possunt proles Haereticorum ob causas præallegatis similes, et si similiter sub cura parentum relicta timeantur haeresi inficiendæ: quidni igitur etiam proles infidelium quantum est ex parte reverentia Sacramenti? Hinc autem sequeretur, similiter posse baptizari proles infidelium, etiam sine consensu principis, invitis parentibus, durummodo saltem consentiat Ecclesia, sine cuius ordinatione aut licentiâ, non est privatorum, filios per Baptismum Ecclesiæ aggregare; præterquam in extrema necessitate, quando consensus est præsumptus, immo debitus, & in ipso lumine naturæ expressus. Nec appetat modò, unde mox dicta possint efficaciter redargui. Fateor tamen esse contra receptam Doctorum sententiam. Ideoque sine firmiori assertione relicta doctiorum examini submitto.

Dixi in Conclusione, spectato iure nature: jure enim Ecclesiastico id posset prohibiri, immo prohibitum putat *Loyca sup. concl. pag. 3.* cō quod Baptismus taliter collatus sepe efficit occasio graviorum malorum, nimisrum quod parentes infideles Baptismum prolium metuentes, illos aliquando occident, vel saltem à Christiana religione ipsi magis averterentur. Immò ratione horum malorum per accidens sepiissime posset esse illicitum etiam clauso pfecto Ecclesiastico, ejusmodi parvulos baptizare extra eorum necessitatem. Quicquidmodum igitur Ecclesia ad evitanda similia incommoda adultos infideles Christianis principibus subditos non tantum non cogit ad fidem Catholicam (quod tamen spectato iure naturæ posset minis & terroribus facere juxta sententiam probabilem *Scoti* practicatam à Ferdinand & Sisebuto Regibus Hispaniæ: & colligitur ex L. *Cunclos, Cod. de sum. Trin.*) sed id etiam variis canonibus interdixit, ut *Toletanum IV. can. 56.* ita iisdem rationibus mota Ecclesia parvulos infidelium parentibus invitatis non baptizat, immo si id nondum prohibuit (quod fecisse, aperte non ostenditur) prohibere potest.

QUÆSTIO V.

*De Dispositione requisita in suffi
ciente Baptismum.*

EX dictis disp. 3. q. 8. patet in pueris & perpetuo amentibus nullam requirendam dispositionem. Patet etiam ex ibidem dictis in adultis requirendam aliquem consensum, & sufficientem habitualem, ut Baptismus validè suscipiatur. Ut autem suscipiatur cum fructu

DICO I. Requiritur in adulto actualis fides. Patet ex *Mash. ult.* *Docete omnes gentes baptizantes eos. Ex Moxi ult.* Qui credident, & baptizatus fuerit, salvus erit: qui vero non crediderit, condemnabitur. *Ad Hebr. 11.* Sine fide impossibile est placere Deo. Credere enim oportet accedentem ad Deum, quia est, & inquirendus semper munerator sit. Unde *Act. 8.* eunuchus postulantem Baptismum respondit *Philippus*: *Si credis ex toto corde, liget.* Idem colligitur ex *Trid. fess. 6. c. 6. & 8.* Debet autem haec fides in fidei actus procedere ex divina gratia, ut definit idem *Concilium sup. cap. 3.* adeoque non sufficit ad justificationem per Baptismum obtinendam naturalis assensus seu credulitas eorum quæ credenda sunt.

DICO II. In adulto obstricto peccato mortali personali requiritur aliqua penitentia. Patet ex *Act. 2. Poenitentiam agite, & baptizetur unusquisque vestrum. Luca 24.* Oportebat Christum pati, & prædicari in nomine eius poenitentiam. Idem expressè habetur in *Trid. fess. 6. c. 6. & fess. 14. c. 1.* ubi dicitur: *Fuit penitentia universis hominibus qui se mortali aliquo*

Quaest. V. De Dispositione requisita in suscipiente Baptismū. 199

peccato inquinassent, quovis tempore ad gratiam & iustitiam consequendam necessaria, illis etiam qui Baptismi Sacramento ablui petivissent. In eamdem veritatem conspirant Patres, & illam inculcat Augustinus variis locis. Vide Vasquez l. 158. c. 3.

Consentient etiam Scholastici, excepto Caetano, qui q. 86. art. 2. circa solut. 1. censet, ut quis per Baptismum acquirat remissionem peccatorum, sufficere voluntatem suscipiendo Baptismum, modò voluntas non sequitur ita quod sit actualiter peccato affecta. Quod etiam Scorus, à quibusdam attribuitur Scoro dist. 14. q. 4. num. 6. Sed immerito, ut bene ostendit Vasquez sup. c. 1. & alii: nam Scorus ibi tantum vult, non requiri in Baptismo dolorem de peccatis propter Deum sine veram contritionem; aliquam tamen poenitentiam requiri, satis ibidem num. 7. exprimit: & tam clare dist. 4. q. 5. num. 2. ut nulli possit esse dubium, qui vel leviter textum oculis non alienis inspicere dignabitur? Ratio conclusionis: quia omnino decet, ut is qui liberè se à Deo per peccatum avertit, liberè se in Deum convertat per peccati detestationem seu retractionem.

Dixi, mortali personali: nam obstrictus solo originali, nullam tenetur habere poenitentiam, quia non avertit se à Deo propria voluntate. Ideoque Trid. sup. de illis solum loquitur, qui se mortali aliquo peccato inquinassent. Adeoque sufficit in iis spes seu desiderium Sacramenti, adeoque fructus illius, qui est gratia, & venia leu remissio peccatorum; cum actu fidei, de quo Conclus. 1. Eosdem actus sufficere & requiri in hujusmodi homine, satetur etiam Arriaga l. 24. num. 66. et si d. 22. num. 6. dixisset, quod in tali per solum Baptismum sine actu supernaturali suscipientis remitteretur origine & daretur gratia.

Dico III. Poenitentia ad fructum Baptismi requisita non debet necessariò esse contritio, nec sufficit concepta ex motivo naturali, v. g. insamia, damno temporali: sed requiritur saltem, & sufficit attritio supernaturalis. Prima pars est communis contra Gabriëlem. Probatur, quia Baptismus est per se institutus ad delationem peccati, tum originalis, tum actualis, ut patet ex Florentino in Decreto de Armenis & Trid. Ieff. 5. can. 3. & 5. ergo debet posse dicere peccata cum sola attritione. Probatur consequentia: quia si requereretur contritio, peccata semper forent deleta per eam ante realem Baptismi susceptionem; & consequenter Baptismus non videretur institutus in remissionem peccatorum. Cùm non rectè causa dicatur instituta ad effectum, qui semper & necessariò causalitati illius presupponitur. Confirmatur: quia Baptismus est Sacramentum mortuorum & regeneratio spiritualis, quod non rectè diceretur, si contritio prærequireretur: per hanc enim &

mortuus revixisset, & homo spiritualiter esset regeneratus antequam ad Baptismum perveniret.

Secunda pars, quæ etiam est communis Theologis. Probatur: quia poenitentia concepta ex fine naturali non est proportionata gratiæ infundendæ, quæ est supernaturalis; ad quam tamen disponit: neque est à Spiritu sancto; quod tamen requiriatur juxta Trid. Ieff. 6. can. 3. & Arianiscanum II. can. 4.

Sequitur itaque sufficere (quod habet tertia pars Conclusionis) attritionem conceptam ex motivo supernaturali & specia li Spiritus sancti motione, ut quia excludit à gloria æterna vel homo per illud à judge Deo æternis poenit addicitur. Nec requiritur, ut attritio illa existimetur bona fide contritio, prout vult Navarrus c. 1. Summa num. 37. ut ex dicendis in simili de Sacramento Pœnitentia pleniùs constabit.

Q U A E S T I O . VI.

An Baptismus possit iteratō suscipi?

Dico I. Baptismus semel validè col-
latus iterari non potest. Est de fide ex Florentino sup. Trid. Ieff. 7. can. 9. de Sa-
cram. in gen. & can. 11. de Bapt. Et habetur in Carthaginensi III. c. 38. Probatur hæc ve-
cuso traditio.

cujus testis est Clemens Romanus l. 6. consi-
stut. c. 15. & alii Patres. Vide Vasquez d. 146.
c. 3. Ad ejusdem probationem Leo Papa Ep.

37. & Ep. 79. ad Nicetam, Ambrosius l. 2. de
Poenitentia c. 2. adducunt illud ad Ephes. 4. Non refudit
Vnus Dominus, una fides, unum baptisma. Sed inserit ex
hæc Scriptura potest explicari de unitate illo ad E-
specificâ Baptismi; immo ad litteram sic phef. 4. V.
explicari debet: cùm Apostolus ibi adhor- num Bap-
tisma. Quod cum non possit intelligi de
tetur Christianos ad unitatem Spiritus, tam-
quam servos unius Domini, & aggregatos
in una fide, eodemque fidei Symbolo, scilicet
Baptismo, quo tenati ac fratres effecti sunt.

Rectius allegatur ab Ambroso supra illud ad Hebr. 6. Imposibile est eos, qui semel sunt illu-
minati & participes sunt facti Spiritus San-
cti & prolapsi sunt, rursus renovari ad pa-
nitiam. Quod cum non possit intelligi de
renovatione post lapsum per contritionem
aut Sacramentum Pœnitentiae (quæ re-
novatio durante vita semper fieri potest)
intelligendum videtur de renovatione post
lapsum faciendâ per iteratum Baptismum,
quem vocant Apostolus & Patres passim
illuminationem. Sunt nihilominus nonnulli
etiam doctissimi Interpretes (inter quos
Ieronimus, Titelmanus, à Lapide) qui putant
Apostolum hinc loqui de alia poenitentia,
non quod sit plane impossibilis, sed quia
admodum

R 4 admodum

admodum difficultis est, non quidem omnibus, sed gravissimis & ingratissimis peccatoribus, puta Apostatis post tam singularia gratiae dona labentibus in Judaismum, infidelitatem &c. qui consequenter plerumque fiunt obdurati.

40. Congruentiae sunt. Prima, quod semel natus corporaliter non possit secundò nasci, sed solum resuscitari. Secunda, quod Baptismus imprimat characterem, qui infra multiplicaretur per plura Baptismata. Ideoque *Irid. Ieff. 7. can. 9. de Sacram. ingen.* definiens in Baptismo & duobus aliis Sacramentis imprimi characterem, subjungit: *Vnde ea iterari non possum.* Tertia, quod Baptismus representet mortem, sepulturam, & resurrectionem Christi, ut significat Apostolus *ad Rom. 6. & ad Colos. 2.* Unde si-
cūt Christus semel tantum pro peccatis no-
stris mortuus est, & semel resurrexit: ita &
nos per Baptismum eidem conseptuli & per
eundem resurgentem, non possumus iterato
sepeliri in aqua Baptismi; ne significemus
Christum iterato posse mori & sepeliri.
Quemadmodum Apostolus *ad Hebr. 6.* de il-
lis qui Baptismum repetunt, ait: *Rerum in-
cipientes Sibim scriptum filium Dei; id est juxta Am-
brosum supradic & alios Patres suo facto signifi-
cantes filium Dei posse iterato mori, &
unam mortem non fuisse sufficientem.*

**De poenis re-
baptizatio-**
**nem remis-
fici.**
Quantum ad poenas rebaptizantibus & re-
baptizati spectat, uterque decernitur extre-
mo supplicio afficiendus *I. 2. C. Ne sanctorum
Baptismus iteretur. De poenis Ecclesiasticis*
actum est *Irid. de Leg. A. 6. qnaf. 7. s. 2.*

41. *In dubio est
Baptismus
sub condi-
tione iteran-
do.*
Dico IL Quando subest verum dubium, an aliquis sit baptizatus est rebapti-
zandus sub conditione. Ita communiter Doctores ex c. De quibus 2. de Baptismo &
Carthaginensi V. e. 6. Ratio est: quia alioquin debet manere quis in periculo carenti temper Baptismi effectu, nullumque aliud Sacramentum validè suscipendi: quæ ne-
cessitas est adeò gravis, ut facile excusat ab irreverentia alioquin per iterationem Sacramento inferenda, accidente potissimum conditione, quæ formæ apponitur, aut saltem mente retinetur?

42. *Eiam ante
suscep-
tionem aliorum
Sacra-
mentorum.*
Unde adultus ita dubitanus non solum pos-
test, sed etiam obligatur Baptismum sub
conditione petere & pastores tenentur con-
ferre; & quidem si sit merum dubium, ante
susceptionem ullius alterius Sacramenti:
ne illud exponat periculo, etiam citra om-
ne prudens judicium de valida susceptio-
ne, quo caret, qui sic dubitat. Si autem prob-
abiliter tantum judicet se validè baptiza-
tum, consent Plures ipsum interim citra
mortis periculum eadem probabilitate pos-
se aliqua Sacraenta recipere, maximè il-
la, quæ nec sunt nec esse possunt in dam-
num aliorum, v.g. Confirmationem, Eu-
charistiam, Penitentiam, Matrimonium.
Sed dum nulla subest ratio non praemittend

tendi iteratum Baptismum sub condicio-
ne, qui utique facile præmitti potest, di-
cendum potius cum aliis videatur, illum
debere præmitti. In hoc ipso enim appetet
non levis deordinatio & imprudentia, quod
sine utilitate aut ratione omittatur tam fa-
cile medium, quo caveatur valori Sacra-
menti ac fructui, alioquin adeò incerto, ut
Ecclesia nequeat supplere defectum, si sub-
sistit; prout tamen supplere potest in juris-
dictione probabili. Unde etiam fatetur *Dic-
tillo dyp. 1. de Bapt. dub. 9.* (ubi oppositum
tenet) non posse licet sacerdipi Ordinem Se-
cerdotii, nec Episcopalem à fortiori, nisi
initiandus abstineret ab omnibus muneri-
bus præstandis, quæ vergunt in damnum
aliorum, ob gravem, quæ in hoc appetet de-
ordinationem ac stultitiam, quod sine ra-
tione hujusmodi tricis se implicant. Et sane
ex incerta Ordinatione Sacerdotis ori-
gina per se incommoda gravissima & irre-
parabilia, dñbi scilicet valoris, aut (si pro-
habilitati non subfit veritas) invalida, quo-
quot sequentur, sacrificia, absolutiones, in-
unctiones; &c. si de Episcopo si sermo, di-
bice aut invalidæ essent omnes Confirmations,
Ordinations, & consequenter actus
ordinatorum ab ipso, quoad valorem de-
pendentes à veritate suscepiti Ordinis. Ob
quæ omnino illicite se ingereret quis suscep-
tioni hujusmodi Ordinum (quidquid sit
de aliis Sacramentis) ante susceptionem
indubitate Baptismi adeoque ante iteratum
sub conditione Baptismum incertum.

Dixi quando subest verum dubium: fine illo
enim non licet iterare Baptismum, etiam sub
conditione, ut docent Theologi cum Car-
thaginensi Romano p. 2. c. 2. n. 43. & colligitur ex Re-
sponsali Romano *Tit. de Baptismo. 5. De forma Baptismi.*

Colligitur I. non debere nec posse re-
baptizari illos quos constat esse natos pa-
rentibus Christianis, & aliquamdiu inter-
Christianos educatos, nisi occurreret pro-
babilis ratio suspicandi eos non esse saltem
validè baptizatos. Ita *Innocentius III. c. V-*
niens de Presbytero non baptizato. Unde quan-
do *Carthaginense V. sup.* dicit *infantes esse bapti-
zandos, quies non inventiuntur certissimi testi;*
qui eis baptizatos esse sine dubitatione testi;
*intelligendum est de iis parvulis, qui vel
ab infidelibus suscenderunt, vel à parentibus,
per barbaos sunt abstracti; ut colligitur
ex fine capituli.*

Colligitur II. baptizatos ab Hæreticis
generaliter loquendo non esse rebap-
tizandos: cum enim ex fide constet de va-
lore Baptismi ab illis debitè collati, non
potest etiam sub conditione repeti, nisi
adesset fundata suspicio eis in aliquo ei-
fentiali desecrante. Sicut teste *Council. ques. 66. art. 9. nun. 96.* quandoque in Anglia
contingit proles nobilium aquâ rofacie
aut simili liquore baptizari, aut ob mole-
stiam frigoris solùm vestes aquâ abstergi;
& qui

& quibusdam in locis ministrum in sugge-
stu formam pronuntiare, alio corpus proli-
abuente. Tunc enim sufficiens est ratio
Baptismum iterandi. Immo *Propositio ibidem*
dub. 2. num. 99. putat in partibus Belgii ha-
resi infectis prudenter baptizari sub condi-
tione baptizatos ab Hæreticis, eo quod
qui eorum mores norunt, merito dubitant,
an legitimè baptizent. Idem docent Non-
nulli alii Recentiores. Et consonat Pasto-
rale *Mechlinense* 1608. atque etiam novissi-
mè recognitum Anno 1624. in quo præ-
scribitur *Tit. de Sacram. Baptismi S. De forma:*
Et quia nostri temporis Hæretici, pro insatiabili suo
*in Ecclesiam odio, Sacramentorum formas plenar-
me invertunt, materiam contemnunt, aut legitimi-
nam intentionem non habent, eò liberius, quod*
*opinione Calvinistica, Baptismus filii fide-
lium non sit necessarius) merito Baptismus ab*
eis collatus de nullitate suspectus haberi debet. Proin-
de ab his baptizati, sub conditione baptizentur. Et
*quidem facile crediderim circa initia tumultu-
tuum Belgii potuisse velut indiscriminatum*
baptizatos ab Hæreticis istis baptizari sub
conditione, eo quod in istis turbulentis,
*in quibus etiam futores arrogabant sibi mi-
nisterium verbi, generatim inerat ratio su-
spicionis, & postmodum via examini vix
patebat. Nunc tamen Synagoga peccanti-
um stabilita dicitur uti materia, forma &
modo debitis. Ut proinde in Hollandiâ Sa-
cerdotes (qui ibi rationes dubitandi op-
timè scire possent & deberent) raro soleant
amplius baptizare quos constititerit (quod
addo propter *Mennonitas*, non soli os admittere
parvulos ad Baptismum) ab Hæreticis
fuisse baptizatos. Neque ego scrupulum
soleo movere conversis ad fidem; nisi forte
promovendis ad Sacerdotium, in quibus
certitudine moralis (quæ gradus habet) quam
maxima recte queritur. Immo conformis
extat Constitutio *Philippi Rovenii* nuper in
istis regionibus Vicarii Apostolici edita
Anno 1638. die 13. Decembbris quæ talis
est: *Baptizati ab Hæreticis non facile de novo bap-*
tizentur, nisi constet omnino aliquid substantiale
circa illos prætermisum, vel rationabiliter de eo
*dubitetur.**

Colligitur III. baptizatos in necessitate
ab obstetricibus non esse indiscriminatum
baptizandos sub conditione; quidquid
Aliqui velint: nam videtur frequenter posse
haberi post diligens examen moralis cer-
titudine, quod obstetrices abhibuerint omnia
necessaria. Unde oppositum, quod (ut
refert *Propositus infra*) prescribitur in *Pasto-*
rali Mechlinensi can. 9. non esse recipiendum
constet *Coninck n. 95.* Sed potius est restrin-

gendum cum *Propositio n. 101.* ad casus in
quibus est rationabile dubium, v.g. si re exa-
minata appareat obstetricem non promptè
callere formam Baptismi, aut propter per-
turbationem sive perplexitatem in facto
suo hæsitasse, aut in narratione esse incon-
stantem. Quam restrictionem satis indicat
ipsum *Pastorale recognitum Anno 1624. Tit.*
De Sacram. Baptismi S. De forma; et si supponat
(quod facti est, & examini subjacent) pro-
babilem dubitationem ordinariè subesse,
quando infans ab obstetrica baptizatus di-
citur. Alioquin obstetrices in hac re inter-
dum non minus promptæ sunt, quam qui-
dam Sacerdotes parum in Theologia vel
praxi versati. Quare saltem res est exami-
nanda. Sanè *Athanasius* adhuc puer æqua-
les suos baptizaverat; qui tamen mox non
sunt rebaptizati sub conditione, sed prævio
rei examine sunt in Baptismo relicti. Quan-
tò igitur amplius id censemus de baptiz-
atis ab obstetricibus, præsertim juratis,
quæ nisi bene calleant modum baptizandi,
non sunt ad munus obstetricum assu-
menda.

Colligitur IV. infantes expositos & in-
ventos, si re diligenter investigata de eorum
Baptismo non constet, esse sub conditione
baptizandos, juxta *Rituale Romanum Tit. de infantibus*
parvulis baptizandis. An vero sati censeatur
constare, quando habent appositam schedam
sive chartam, saltem in tertis Catholicorum,
varii Recentiores in dubium vocant: quam-
vis Doctores sati communiter existiment,
quod sic; eò quod videatur tale testimoni-
num modale latissimæ certitudinem genera-
re, utpote exhibitum ex bona consciencie
ad vitandam reiterationem Baptismi.
Quod facile admiserim quando prohibetur
testimonium de Baptismo solemnii, vel col-
lato à presbytero cum designatione loci,
temporis, & nominis impositi: tunc enim
poterit ex registro baptizatorum peti ple-
na notitia rei. Alioquin videtur posse repeti
sub conditione, si tantum generaliter signi-
ficetur Baptismus prolius: tunc enim non
suppetit via inquirendi de idoneitate illius
qui Baptismum contulit; quæ tamen pate-
re debet, etiam dum constat à certa obste-
trice collatum esse. Nam forte collatus fuit
à matre fornicariâ, aut aliâ muliere partu
præsente, haud satis instructâ, nec vocata
fuit persona satis instructa ob periculum in-
famiae vel divulgationis. Quamvis varii Re-
centiores amplius velint, regulariter videli-
cet tales esse rebaptizandos; quod aiunt
prescriptum in variis Dicecibus, ut videre
est apud *Diana part. 9. Tract. 6. resol. 35.*